



Nakon poraza od Turske sa 71:93, košarkaška reprezentacija Bosne i Hercegovine će u nedjelju u 20 sati u Skenderiji dočekati Srbiju. Očekuje se da će dvorana "Mirza Delibašić" biti ispunjena do posljednjeg mjesta.
/ FIBA / STR. 53.

Ćutologe vođe drže na kratkoj uzici

Majstorsku nevidljivost i dizanje ruke za sve zamisli stranačkog šefa plaćamo kao suho zlato

Piše: DŽENISA ZUKANČIĆ

U Bosni i Hercegovini se nerad dobro plaća. Godinama smo stvarali i školovali profesionalne ćutologe. Majstorski ćut iziskuje dobru platu, a mi je uredno isplaćujemo.

Šta obični građani dobijaju od ovih ćutologa, vječitih kadrova partije, raznih poslanika, delegata, odbornika... ništa, ali zato stranački vrh - sve.

- Ćutolozi su tu da podrže partijske jastrebove i služe kao glasačka mašinerija u parlamentima. Njihovo nije da misle niti da krše partijsku disciplinu. Iskustvo nas uči da

su za inicijative zaduženi neki drugi u tom lancu, kaže politička analitičarka Tanja Topić za naš list.

U Parlamentu BiH sjede tihi poslanici, vještici su u nečinjenju, a dobro zarađuju. Vrlo su disciplinovani, partijski. Prema podacima koje je dostavila Narodna skupština Republike Srpske, od novembra 2022. pa zaključno sa 30. junom 2025. godine, pet narodnih poslanika nijednom se nije javilo za diskusiju na sjednicama iako ih je u pomenutom periodu održano čak 36.

Iz Parlamenta Federacije BiH su nam dostavili evidenciju upućenih pitanja i inicijativa u aktuelnom mandatu iz koje je vidljivo da su aktivni, uglavnom, isti delegati.

- Ćutologe, samo dizače ruku, imamo oduvijek. Ne raspravljaju, ne komentarišu, samo aminuju zamisli stranačkih lidera. Tako obezbjeđuju svoju egzistenciju jer su ti ljudi najčešće bez ikakvog zaposlenja i bez značajnijih kvalifikacija, kaže politički analitičar Mladen Bubonjić. / STR. 2. i 3.

Efendićevo gaženje BiH

Ostavka Šošića bila je okidač za jadikovku što i drugi postoje

Piše: KENAN ĆOSIĆ

Mnogi političari u BiH koriste bošnjaštvo, srpstvo i hrvatstvo tek kao pokriće za ostvarivanje uskostranačkih ili ličnih interesa. Ipak, oni koji bi to trebali izbjegavati su oni kojima su, makar na retoričkom nivou, usta puna države, ravnopravnosti i pravde za sve.

No, predsjedniku Stranke za BiH Semiru Efendiću jedna pozicija, u Općinskom vijeću, značajnija je, sve su prilike, od BiH onakve kakva bi trebala biti. Tako mu je zasmetao institucionalni potez SDP-a, a kako bi se pripadnicima svih konstitutivnih naroda omogućilo korištenje prava na učešće u vlasti.

Iz SDP-a BiH su odgovorili da borba za BiH nije bila borba za fildžanistan.

- Ne može se dopustiti politika nejednakosti. Upravo su to primjeri izvrgavanja principa koji se zagovaraju, istakao je sociolog i analitičar Esad Bajtal. / STR. 2.

pogledi



Posveta arhitekata Sarajevu

Karićev prilog za novu filozofiju zadatka prevodioca
Praćenje žute linije

pogledi

Raif Čehajić: Kako su planule i nestale ikone novinarstva

STR. 20. i 21.

Tajne nebeskih repatica

STR. 26. i 27.

Umijeće Davida Samica

STR. 28.

Vjerujete li da razgovor žrtve i dželata donosi pravdu?

STR. 30. i 31.

Počinje trka za Oscar

Od biografskih priča, preko dubokih drama do horora, ova sezona nudi ama baš sve

Piše: NISAD SELIMović

Holivudske zvijezde spremaju se za maratonske šetnje po crvenim tepisima dok se sezona filmskih nagrada ozbiljno zahuktava i ulazi u petu brzinu. Ove godine konkurencija je konfuzna, ali izuzetno jaka, a među prvim favoritima izdvajaju se filmovi "Marty Supreme", u kojem maestralno glumi Timothée Chalamet, "Hamnet" Chloé Zhao i muzičko-fantastični film "Wicked: For Good". Prvi važniji signal stići će 8. decembra, kada budu objavljene

nominacije za Zlatni globus. Nakon Globusa, slijede BAFTA i nedavno preimenovani Actor Awards (bivši SAG), dok će se kulminacija desiti 15. marta, na dodjeli Oscara.

Većina filmova koji se spominju među kandidatima premijerno je prikazana na najvećim festivalskim pozornicama - Cannesu i Veneciji, dok nekoliko očekivanih naslova, poput "Avatar: Fire and Ash", tek treba da stigne u kina prije kraja godine. / STR. 16. i 17.